

U ime Allaha, Milostivog, Samilosnog

H U D B A

Hazreti Mirza Masroor Ahmad
ajadahulah-talah bi nasre hil aziz
V halifa Obećanog Mesije a.s.

23.10.2009.



بِسْمِ اللَّهِ الرَّحْمَنِ الرَّحِيمِ ء

نَحْمَدُهُ وَنُصَلِّي عَلَى رَسُولِهِ الْكَرِيمِ ء

الْحَمْدُ لِلَّهِ رَبِّ الْعَالَمِينَ -

وَالصَّلَاةُ وَالسَّلَامُ عَلَى رَسُولِهِ مُحَمَّدٍ وَآلِهِ وَأَصْحَابِهِ أَجْمَعِينَ ء

“Sva hvala pripada Allahu, Gospodaru svih svjetova; mir i blagoslov neka su na Njegovog vjerovjesnika Muhammeda, s.a.v.s., i na cijelo njegovo potomstvo i ashabe.”

Hudba 23. oktobar 2009.

Božiji atribut Al Wali (Priatelj)

Kratki sadržaj hudbe koju je 23. oktobra 2009. održao Hazreti Mirza Masroor Ahmad Halifatul Masih V Ahmadija muslimanske zajednice

(Napomena: Naš tim 'Alislam' preuzima punu odgovornost za bilo kakve greške ili nerazumijevanje u kratkom sadržaju ove hudbe)

Jedan među Božijim atributima je *Al Vali (Priatelj)*. Prema leksikonu on znači pomagač, Biće koje vodi brigu o svim stvarima cijelog svemira i cijelog stvaranja. To također označava prijatelja koji je voljan (popustljiv). U suri Al Bakara je rečeno: *'Allah je prijatelj onih koji vjeruju...'* Allah je pomagač vjernika i zadovoljava njihove potrebe, upućuje ih, i utemeljuje njihovo rasuđivanje i dokaze. Cijeli ajet glasi ovako:

'Allah je prijatelj onih koji vjeruju; On ih izvodi iz tmine na svjetlo. A onima koji ne vjeruju, prijatelji su šejtani koji ih odvođe od svjetla u mrak. Oni su stanovnici Vatre; u njoj će dugo boraviti.' (2:258).

Istina je da je Allah Prijatelj onih koji vjeruju, čije je vjerovanje oslobođeno svjetske zaraze i oni nastavljaju putovati stepenima razvoja. To ih izvodi iz mraka na svjetlo; to jest od slabih duhovnih i fizičkih odlika (strana) prema napretku i jačini. Allah prema tome ovdje proglašava da će On, one koji vjeruju blagosloviti duhovnim i fizičkim uspjehom na pojedinačnom kao i na zajedničkom stepenu i izbavit će ih iz teškoća. Ovo je uvjetovano stalnim duhovnim napretkom poslije početnog vjerovanja. Oni koji ovo traže kroz pridržavanje Božijim naredbama, Allah istinski postaje njihov Prijatelj i nikakva opozicija, nikakva sila ove zemlje ih ne može uništiti.

Allah kaže da vjernik prolazi kroz teškoće i mora podnijeti gubitak života, imetka i djece. Kako onda to može značiti da On vjernike izvodi iz fizičkih slabih odlika (strana)? Naravno neko može reći da može postojati duhovni napredak u toku teškoće, ali ne fizički. Treba da zapamtite da kad vjernik ima čvrstu vjeru u Allaha on nema samo ličnu korist (dobit) u vidu. On zapravo podržava zajedničku perspektivu a lični gubitak može biti povod zajedničkog napretka, pogotovu ako je to na putu vjere. U vrijeme ranog islama ogromne žrtve muslimana napravljene u pogledu nemilosrdnog i neprekidnog proganjanja zasigurno nisu bile uzalud. Muslimana je bilo malo po broju pa ipak su njihove žrtve povećale njihovu vjeru i zajednički napredak. Proganjanje nije zaustavilo druge pobožne duše da dođu u okrilje islama. Onda ih je okrutnost prisilila da se iseše i ovo je dalje otvorilo vrata napretka. Oni su rasli po broju kao i finansijski dok nije došlo vrijeme kad je jedanput ljuti neprijatelj bio svladan (podjarmljen) od muslimana.

U historiji Ahmadija zajednice svako poglavlje neprijateljstva i faza kušnje su također bili povod duhovnog kao i fizičkog napretka. Da se nismo suočili sa nevoljom 1974. godine, dio Zajednice koji je napustio Pakistan i raširio se svuda širom svijeta ne bi napustili Pakistan. Među onima koji su se iselili neki su radili na malim poljoprivrednim posjedima, neki si imali male biznise, drugi su imali neke sitne poslove. Tamo nije bilo velikih sredstava za obrazovanje djece ili ako su i postojala, okruženje nije bilo povoljno. Drugi Pakistanci – vršnjaci ovih mladih ljudi, koji su stekli dalje obrazovanje i doktorate u Evropi - nisu bili u stanju da steknu slično obrazovanje. Oni ili nisu bili naklonjeni ili nisu imali sredstava. Ahmadi muslimani koji su iselili na zapad treba uvijek da pamte da, pošto su morali napustiti svoju domovinu zbog svoje vjere,

Allah im je poklonio blagostanje i Zajednica je također narasla brojčano kao i finansijski. Sa pojedinačnim akademskim dostignućima zajednički stepen obrazovanja je također porastao. Ovo svakog Ahmadi treba da dovede bliže Allahu i poveća im vjeru radije nego da budu upleteni u arogantnost ili samoljublje. Allah je dokazao da je Prijatelj, na nama je da sada dokažemo sebe da također budemo Njegovi istinski robovi. Ovaj napredak nije samo zapao one koji su se iselili. Pakistanski Ahmadi čiji su biznisi bili uništeni zbog ovih nevolja (i teškoća) bili su također blagoslovljeni blagostanjem. Al Vali je Prijatelj i Pomagač i dao nam je uspjeh.

Kad su naši neprijatelji nastojali da nas sputaju u 1984. godini i Halifa vremena je morao da se iseli iz Pakistana, ko je bio taj ko je pomogao? Upravo isti Prijatelj i Pomagač, Biće Koje ima moć nad svim. Allah je pomogao Hazreti Halifatul Mesiha IV r.a. na način kako ni jedan svjetski prijatelj ne bi mogao. Zajednica je izvanredno napredovala po broju i duhovno kroz MTA. Jedan glas upute se istovremeno može čuti cijelim svijetom. Naprijed spomenuti ajet pokazuje obećanje fizičkog napretka onima koji vjeruju i za one koji ne vjeruju pokazano je da se kreću prema mraku, tako u principu navodeći da su oni drugovi šejtana.

U vrijeme kad je Časni Poslanik s.a.v.s. iznio tvrdnju poslanstva i pozvao ljude Meke ka uputi, vođe plemena Kurejšija su bili smatrani oštroumnim koji su učinili neka dobra djela. Međutim, u njihovom odbijanju Istine, oni su bili zavedeni od šejtana i kao rezultat su bili lišeni toga da čine dobra djela koja su činili, i na koncu su bili uništeni. Abul Hakam je postao Abu Džehel i bio je ponižen, i sada do kraja vremena će biti poznat kao Abu Džehel i njegov prijatelj nije bio niko drugi do šejtan. Međutim, rob crnac, Bilal, postao je prijatelj Allahu zbog svjetla vjerovanja i sada će do kraja vremena biti poznat kao Sejjidina Bilal. Slično, oni koji su odbili Obećanog Mesiju a.s. bili su poneseni mrakom dok su oni koji su prethodno bili neuki, naj ozloglašeniji i iskvareni, u skladu sa Božijim obećanjem, putovali u duhovnosti nakon što su ga prihvatili. Oni koji odbijaju Božije poslanike skotrljaju se u mrak zbog svog odbijanja i šejtan ih napuni ogorčenošću i zlobom, i Allah oglašava da je njihov kraj vrlo loš. Oni će goriti u vatri ljubomore na ovom svijetu.

Prema leksikonu *valiullah* je onaj ko je prijatelj Boga, to jest, u potpunosti potčinjenosti Njemu. Vjernik je nazvan *valiullah* ali ne moli Allaha. Allah kaže u suri Muhammed:

'To je zato što je Allah zaštitnik onih koji vjeruju, a za nevjernike zaista nema zaštitnika.' (47:12)

U ajetu prije ovoga Allah kaže:

'O vi koji vjerujete! Ako pomognete Allaha, On će vas pomoći i učvrstiti vaše korake.' (47:8)

Ovaj jaet tješi muslimane koji dolaze poslije Muhammeda s.a.v.s. da je za njih obavezujuće da pomažu Božiju religiju i da će im jedino ovo dati Božiju pomoć zauzvrat. Pogotovo u vrijeme Obećanog Mesije a.s., kad se trebalo dogoditi oživljavanje vjere, njihova je apsolutna obaveza da pomognu. Oni koji ne vjeruju u Obećanog Mesiju a.s. naići će na sličnu sudbinu onih koji su odbili ranije poslanike: ovo je ozbiljan povod za razmišljanje za muslimane. Božije obećanje o pomoći i potpori stoji. Uprkos toga što se zovu muslimani mnogi dopisnici pune novinske redove pišući da pate od nedostatka vjere i da idu kroz propadanje u materijalnom smislu. Oni priznaju da negdje u nekom smjeru su zaradili Božije nezadovoljstvo (Bog njima nije bio zadovoljan). Za njih još ima vremena da prihvate Imama ovog doba, uruče mu selam Časnog Poslanika s.a.v.s. i ne izgube na tvrdoglavosti da su vrata poslanstva zatvorena.

Oni trebaju proučavati šta su rekli visoko pobožni ljudi islama iz prošlosti, i ne slijediti takozvane vjerske vođe. U svojoj knjizi *žFutuh al-Makkija'*, hazreti Muhjudin ibne Arabi je rekao da je poslanstvo koje je završeno sa Časnim Poslanikom s.a.v.s. bilo poslanstvo koje donosi zakon, međutim da poslanik, koji je potpuno potčinjen Šerijatu (vjerskom zakonu) islama, može doći u budućnosti. On je rekao da poslanstvo nije potpuno prestalo da postoji. Pozivajući se na hadis *žla nabi ba'adi'* (nema poslanika poslije mene) hazreti Muhjudin ibn Arabi je napisao da je uključeno pojmovno značenje ovog hadisa upravo isto kao i uključeno pojmovno značenje izreke Časnog Poslanika s.a.v.s.: *žKad ovaj Kaiser bude ubijen neće više biti drugog Kaisera.'* Hazreti Imam Šerani je napisao u *'Al Yawaqeat wal Jawahar'* da hadis *'la nabi ba'adi'* znači neće biti poslanika sa zakonom poslije mene. Hazreti Mullah Ali Qari je u svojoj knjizi *'Mauzuat Kabir'* napisao da je izreka Časnog Poslanika s.a.v.s. o tome da bi Ibrahim (muško dijete Časnog Poslanika) bio poslanik da je ostao u životu, nije oprečno vjerovanju o *Khatamun Nebijjin* (konačnosti poslanstva) zato što termin *Khatamun Nebijjin* znači

da poslije Poslanika s.a.v.s. ni jedan takav poslanik ne može doći koji će opozvati (staviti izvan snage) njegov Šerijat i koji nije iz njegovog ummeta. Zaista je hazreti Ajša r.a. rekla da možete reći da je Časni Poslanik s.a.v.s. *Khatamun Nebijjin* ali nemojte reći da neće biti poslanika poslije njega.

Da su se ljudi zamislili nad ovim ajetima Časnog Kur'ana i ovim navodima sve bi izašlo na vidjelo. Kako bi drugo Allah mogao dao olakšanje onome ko je pripisao objave Bogu, koji je tvrdio da je primio Božije objave i također imao jasnu Božiju pomoć i potporu sa sobom? Allah je Obećanom Mesiji a.s. objavio da kaže:

'Allah je moj Staratelj i moja Skrb' (Tadhkirah str. 479)

U 1883. godini Allah mu je objavio:

'Slušaj!, nema straha na prijateljima Allahovim, niti se oni žaloste.'
(Tadhkirah, str. 128)

U brojnim prilikama je Allah da dokaz da je On bio prijatelj Obećanog Mesije a.s.. U 1886. godini Allah mu je objavio: *'Allah će prenijeti tvoju poruku do krajeva svijeta.'* Ovo je odvojena objava od kasnije objave o širenju poruke upućene do krajeva svijeta. U 1886. godini Kadian nije imao nikakvog izgleda za bilo kakvim sredstavima prikladnog prijevoza osim nosiljke koju su vukli konji. Pa ipak je Allah dao ovo obećanje obećanom Mesiji a.s. u tom selu. Danas, neki kažu: šta ako je vaša poruka prenesena preko MTA, mi također imamo svoje veb stranice i svoje televizijske kanale da prenose protiv vas. Šta je vrijedno da razmislimo je da li je bilo ko od njih, bez posjedovanja sredstava i nakon što mu je bilo rečeno od Allaha, najavio da će njihova poruka biti nošena do dalekih zabačenih dijelova svijeta? Da ne govorimo o stotinu godina, što je dugo vrijeme, je li iko od njih napravio ikakvu takvu tvrdnju samo prije nekoliko godina? Ako jeste nek se javi. Istina je da niko nikada nije bio u stanju da istupi u ovom pogledu, no vrlo je lahko prigovarati i protestovati. Zapravo je to muka ljubomore koju oni ne mogu podnijeti. Zaista je Allah rekao da će oni iz svjetla ići prema mraku. Naš Zaštitnik je Allah i On nam pokazuje da je On također naš Prijatelj i Staratelj na svakom koraku i neprestano nas blagoslovljava Svojom milošću. Da nas On također osposobi da ispunimo Njegova prava tako da nastavimo da imamo Njegovu dobrotvornost jer nas je On tješio sa:


'...Kako odličan Zaštitnik i kako odličan Pomagač!' (8:41)

Zatim je Huzur najavio dženazu namaz u odsustvu za slijedeće: Zulfikar Mensoor sahib iz Kueta koji je bio ubijen od nekih ekstremista 11. oktobra. Bio je kidnapovan prije mjesec dana i tražena je ogromna suma novca. Bio je uređen aranžman za otkup, ali je otkriveno da je njegovo tijelo nađeno u šumi. On je bio vrlo aktivan Khadim, naib kaid Khudam i bio je iskrena osoba. U prošlosti su dvojica njegovih amidža bili ubijeni. Njegov pra-pradjed je bio drug Obećanog Mesije. Iza sebe je ostavio staru majku, udovicu i dvoje djece. Da im Allah podari ustrajnost.


Naš prijatelj iz Egipta, Muhammed Ashva sahib je umro 14. oktobra. On je bio starješina iz Sirije i bio je uzoran Ahmadi musliman. Imao je vezu revne ljubavi sa Halifatom. Bio je pobožna, bogobojazna osoba i radio je krajnje savjesno. Imao je veliku emotivnu predanost Obećanom Mesiji a.s.. Bio je pravnik i pomogao mnogim Ahmadi muslimanima u svojoj profesionalnoj nadležnosti. Huzur je u detalje naveo događaj o njegovom bai'atu. Da Allah uzdigne njegov položaj i osposobi njegovu porodicu da ostanu čvrsti u Ahmadijatu. Muhammed Ovais i Muhammed Malas su dvojica njegovih unuka, trenutno u VB rade za MTA.

Mian Resul sahib iz Okara, Pakistan. On je bio muusi, sin druga Obećanog Mesije i posjedovao je izvanredno dobre vrline. Mnogi neahmadi su prisustvovali njegovoj dženazi i rekli su da osjećaju kao da su ostali siročad.

Muzafar Ahmad Mensur sahib koji je umro 9. oktobra u 60. godini starosti. On je bio misionar koji je služio u zapadnoj Africi. Bio je vrlo vrijedna osoba i Huzur ga je poznavao iz djetinjstva. Iza sebe je ostavio hudovicu, dva sina i kćeri. Da ih Allah čuva sve pod Svojom zaštitom.



Ahmadiyya Muslim Jama'at za Bosnu i Hercegovinu



AHMEDIJA CENTAR:
 Tuzlanska 1 b, 71000 Sarajevo, BOSNA I HERCEGOVINA
 Telefon/fax: 00387 / 33 612 612
www.ahmadija.ba

Ljubav svakome, mržnja nikome!